

Sarajevo, 23.01.2025.  
Ref. br.: MFS-06-12/25

**Predmet: Poziv za učešće i podršku u obilježavanju Dana sigurnijeg interneta u Bosni i Hercegovini, 11. februar/veljača 2025. godine**

Poštovani,

u vremenu kada digitalne tehnologije postaju sastavni dio naših života, sigurnost djece u digitalnom okruženju predstavlja zajedničku odgovornost. **Dan sigurnijeg interneta**, koji se obilježava pod sloganom **"Surfaj Sigurno - Zajedno za bolji internet"**, prilika je da zajedno podignemo svijest o odgovornom korištenju interneta i doprinesemo sigurnijem digitalnom okruženju za djecu.

Ovaj međunarodni dan, koji globalno podržava Evropska komisija, već dugi niz godina okuplja aktere iz oblasti obrazovanja, socijalne i dječije zaštite, medija i telekomunikacija. U Bosni i Hercegovini na inicijativu **Centara za sigurni internet u BiH<sup>1</sup>**, od 2011. godine se tradicionalno obilježava ovaj dan kroz raznovrsne aktivnosti, uključujući i online kviz za učenike osnovnih i srednjih škola, te Vas ovim putem poziva da se pridružite obilježavanju ovog značajnog dana, te poržite aktivnosti u oblasti sprečavanja zloupotrebe djece i mladih u digitalnom okruženju. Kviz ima edukativni i takmičarski karakter, a cilj mu je da djeca kroz zabavu nauče kako se zaštititi u digitalnom okruženju. Prošle godine, više od **21,225 djece** učestvovalo je u kvizu. Od početka obilježavanja Dana sigurnijeg interneta u BiH, više od **128,785 djece** naučilo je o sigurnom korištenju digitalnih tehnologija uz našu podršku.

**Dan sigurnijeg interneta 2025 (SID 2025)** ove godine će se obilježiti pod sloganom **"Surfaj Sigurno – Zajedno za bolji internet"** dana **11. februar / veljača 2025. godine**, putem popularnog online kviza za učenike osnovnih i srednjih škola u Bosni i Hercegovini na temu sigurno korištenja digitalnih tehnologija. Kviz će biti aktivan samo na pomenuti dan, i to u periodu **od 09:00 do 19:00 sati**, nakon čega će sistem aplikacije za online takmičenje generisati pobjednike kviza među djecom koja su tačno odgovorila na 80% i više pitanja, te potom objaviti pobjednike i osvojene nagrade. Svi pristupi kvizu će biti kodirani, te će u cilju zaštite ličnih podataka djece pobjednici biti objavljeni pod jedinstvenim kodom, uz navođenje škole pobjednika na online platformi Centra za sigurni internet u Bosni i Hercegovini, kao i na našim društvenim mrežama.

Kako bi se i ove godine osiguralo što veće učešće djece i mladih u takmičenju, te time povećalo njihovo znanje o sigurnom korištenju digitalnih tehnologija, kreiran je **poster** koji promoviše obilježavanje SID-a 2025, sa pozivom djeci da se uključe u takmičenje. Poster, koji dostavljamo u prilogu kao i više informacija o samom događaju su dostupni na web platformi [www.sigurnodijete.ba](http://www.sigurnodijete.ba) kao i na našim društvenim mrežama.

---

<sup>1</sup> Centar za sigurni internet u Bosni i Hercegovini je uspostavljen u okviru inicijative „Zaustaviti nasilje nad djecom: Prevencija i rad na sprečavanju seksualnog iskorištavanja i zlostavljanja djece u digitalnom okruženju u Bosni i Hercegovini.“ Svrha inicijative je prevencija nasilja nad djecom u digitalnom okruženju kroz podršku vlastima, institucijama i profesionalcima u Bosni i Hercegovini da unaprijede postojeće i razviju nove mehanizme rada i zaštite.

I ove godine obilježavanje SID-a podržavaju partneri i sponzori Centra za sigurni internet koji su prepoznali značaj zaštite djece i mladih na internetu i za pobjednike osigurali vrijedne nagrade.

**Ovim putem Vas molimo da o obilježavanju Dana sigurnijeg interneta obavijestite učenike Vaše škole, te da po mogućnosti izložite poster na vidnom mjestu u školi kako bi se djeca detaljnije mogla upoznati sa takmičenjem.**

**Uputstvo za djecu:**

**Surfaj Sigurno – Zajedno za bolji internet!  
Djeco, pridružite nam se i osvojite vrijedne nagrade!**

**Šta trebam uraditi?**

- posjetiti web stranicu Centra za sigurni internet u Bosni i Hercegovini [www.sigurnodijete.ba](http://www.sigurnodijete.ba) i upoznati se sa sigurnim korištenjem interneta;
- dana 11. februar/veljača 2025. godine od 09:00 - 19:00 sati, posjetiti web stranicu [www.sigurnodijete.ba](http://www.sigurnodijete.ba) i registrirati se za kviz koristeći svoj jedinstveni kod pristupa;
- zabilježiti psvoj jedinstveni kod pristupa kvizu;
- riješiti kviz pitanja o sigurnom korištenju interneta;
- osvojiti jednu od vrijednih nagrada!

Unaprijed se zahvaljujemo i radujemo nastavku uspješne saradnje.

S poštovanjem,



Centar za sigurni internet u Bosni i Hercegovini